



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 03-33-3-1521-2/24

Datum: 22.07.2024. godine

Na osnovu člana 65. i 66. stav 4. Zakona o pravima, obavezama i odgovornostima pacijenata („Službene novine Federacije Bosne i Hercegovine“, broj: 40/10), člana 14. Zakona o zdravstvenoj zaštiti („Službene novine Federacije Bosne i Hercegovine“, broj: 46/10) člana 5. Odluke Općinskog vijeća o osnivanju Zdravstvenog savjeta na nivou općine Tešanj broj: 01-02-1-866-2/12 od 09.04.2012.godine i člana 30. Statuta Općine Tešanj („Službeni glasnik Općine Tešanj“, broj: 11/07), Općinski načelnik Općine Tešanj, r a s p i s u j e

PONOVLJENI JAVNI POZIV

**za izbor i imenovanje preostalih članova Zdravstvenog savjeta Općine Tešanj
(1 član ispred privatne prakse, 1 član predstavnik sindikata, te 1 član predstavnik pacijenata)**

I

Općinski načelnik Općine Tešanj raspisuje Ponovljeni javni poziv za prikupljanje prijave za imenovanje preostalih članova Zdravstvenog savjeta Općine Tešanj, a u cilju ostvarivanja mjera društvene brige za zdravlje građana i ostvarivanje i unapređenja prava pacijenata.

II

Zdravstveni savjet će brojati 9 (devet) članova i imenovat će ga Općinski načelnik iz reda zdravstvenih i nezdravstvenih struka i to:

- 1 predstavnik Općine,
- 1 predstavnik pacijenata,
- 1 predstavnik sindikata,
- 3 predstavnika zdravstvenih ustanova (iz svake JZU po jedan),
- 2 predstavnika privatnih praksi,
- 1 predstavnik Crvenog krsta

U prvom Javnom pozivu pristigle su prijave za članove ispred Zdravstvenih ustanova, crvenog krsta, te jedan predstavnik privatnih praksi.

Ponovljeni javni poziv se odnosi samo na članove ispred sindikata zdravstvenih radnika, predstavnika pacijenata, te predstavnika privatne prakse.

DJELOKRUG RADA ZDRAVSTVENOG SAVJETA:

- predlaže i evaluira sprovođenje zdravstvene zaštite na području općine Tešanj;
- daje mišljenje na planove i programe zdravstvene zaštite za područje općine Tešanj te predlaže mjere za poboljšanje dostupnosti i kvaliteta zdravstvene zaštite na području općine;
- prati primjenu propisa na području općine Tešanj koji se odnose na zaštitu prava i interesa pacijenata, te kao partner predlaže sa zdravstvenim ustanovama, nadležnim ministarstvima i drugim Organima i Institucijama zakonske i podzakonske akte i druge mjere u cilju zadovoljenja potreba zdravstvene zaštite lokalnog stanovništva, a posebno u situacijama kada je u pitanju otklanjanje određenih riziko-faktora za zdravlje stanovništva

- prati pojedinačne povrede prava pacijenata na području općine Tešanj;
- predlaže poduzimanje mjera za zaštitu i unapređenje prava pacijenata na području općine Tešanj;
- obavještava zdravstveni savjet u kantonalnom ministarstvu o slučajevima teških povreda prava pacijenata koje mogu ugroziti život ili zdravlje pacijenata;
- obavještava javnost o povredama prava pacijenata;
- podnosi Općinskom vijeću godišnju informaciju o svom radu;
- obavlja i druge poslove određene Zakonom o pravima, obavezama i odgovornostima pacijenata i Zakona o zdravstvenoj zaštiti.

Zdravstveni savjet donosi Poslovnik o svom radu kojim se bliže uređuje organizacija i način rada.

MANDAT ČLANOVA SAVJETA

III

Mandat članova Zdravstvenog savjeta traje 4 (četiri) godine.

UVJETI

IV

Kandidat za člana Zdravstvenog savjeta treba da ispunjava slijedeće uslove:

- Da je punoljetni državljanin Bosne i Hercegovine
- Da ima prijavljenu adresu prebivališta na području općine Tešanj
- Da ima minimalno tri godine radnog iskustva u Instituciji, ustanovi, ili Udruženju (Crveni križ), ispred koje se prijavljuje,
- Da ima rezultate rada ili učešće u oblasti u kojoj djeluje, koje može potkriepiti dokazima.

POTREBNA DOKUMENTACIJA

Uz obrazac prijave, kandidat prilaže:

- Dokaz o stručnoj spremi, (kopija),
- Uvjerenje o državljanstvu, ne starije od 6 (šest) mjeseci, (kopija)
- CIPS prijavu, te kopiju lične karte, (kopija)
- Dokaz da se prijavljuje kao član ispred nekog od potrebno navedenih učesnika u radu zdravstvenog savjeta, (ne odnosi se na predstavnika pacijenata)
- Potvrda/Uvjerenje o minimalno tri godine, angažmana i učešća u oblastima i poslovima za koje je registrovana Ustanova/Institucija/Udruženje/Sindikata ili Privatna praksa, (ne odnosi se na predstavnika pacijenata)
- Poseban CV, kojim je moguće dodatno obrazložiti razloge prijave, te elemente koji su značajni za prihvatanje kandidature u zdravstveni Savjet općine Tešanj,
- Druge dokaze za koje smatra da su bitni u Odlučivanju o navedenoj prijavi, (navedno se naročito odnosi na budućeg člana predstavnika pacijenata)

PRIJAVA UČEŠĆA, NAČIN ODABIRA I IMENOVANJA

V

Pravo učešća na Javnom pozivu za imenovanje u Zdravstveni savjet Općine Tešanj imaju osobe zdravstvene i nezdravstvene struke sa IV, V, VI ili VII stepenom obrazovanja, sa prebivalištem na području općine Tešanj. Obrazac prijave kandidati mogu preuzeti u šalter sali Općine ili na službenoj web stranici Općine Tešanj: www.opcina-tesanj.ba.

VI

Nakon isteka roka za prikupljanje prijava, Komisija za provođenje javnog poziva za prikupljanje prijava za imenovanje Zdravstvenog savjeta Općine Tešanj će provest postupak i sačiniti prijedlog, a Općinski načelnik će rješenjem imenovati Zdravstveni savjet Općine Tešanj, koje će biti objavljeno u „Službenom glasniku Općine Tešanj“.

VII



Javni poziv će biti objavljen u medijima, oglasnoj tabli Općine Tešanj i web stranici Općine Tešanj: www.opcina-tesanj.ba. Prvi dan Javnog poziva je 26.07.2024.g., a posljednji dan prijema zahtjeva je petak 02.08.2024.godine. Neblagovremene i nepotpune prijave neće se uzeti u razmatranje. Prijavom "U roku" se smatra i ona koja je predana na šalter pošte zadnji dan poziva.

VIII

Prijave treba dostaviti u zatvorenoj koverti lično na Protokol Općine Tešanj ili poštom na adresu: **OPĆINA TEŠANJ, OPĆINSKI NAČELNIK, Komisija za provođenje javnog poziva za prikupljanje prijava za imenovanje Zdravstvenog savjeta Općine Tešanj, Trg Alije Izetbegovića br. 1, 74260 Tešanj.**

Dostavljeno:

1. mediji;
2. web stranica Općine Tešanj;
3. oglasna tabla Općine i
4. a/a.

 **OPĆINSKI NAČELNIK**

Mr. Sc. Suad Huskić

